

կամաց կամաց համարձակեցաւ, պատէն գրակալը անցաւ, գրակալէն տըղուն վրայ, և մինչև տըղուն այն թեւ որ աղեղը կը շարժէր: Հոն զգածեալ և բաբախող սրտիւ՝ ուշ կը դնէր մօտանց:

Այսպէս լռութեան մէջ երաժիշտն իր ունկնդիրն ունէր. և անոր տեսութեանը առջին՝ ողին կրկին կը բորբոքէր, աշխոյժը եռապատիկ կը վառէր:

Դժբաղդաբար տղան որդեգրեալ էր: Օր մը որ մայրը տըղուն խցիկը ե-

րաժշտասէր մը կը մտցընէր, տեսաւ տըղուն թեւին վրայ այն զգայուն էակը. հողաթափի անակնկալ հարուածով մը, ակնթարթի մը մէջ ունկնդիրը ոչընչացուց...

Տղան անզգայ՝ կռնկին վրայ ինկաւ. երեք ամիս հիւանդ պառկեցաւ, և զրեթէ մահուան դուռը հասաւ:

Հ. Յ. Վ. ԻՍՏԱԿԻՐՏԵՆՑ

Կըշարունակուի:

Ե Ր Ո Ւ Ա Ն Դ ¹

Ո Ղ Բ Ե Ր Գ Ո Ւ Թ Ի Ի Ն

Դ Ե Ր Ա Ս Ա Ն Ք

ԵՐՈՒԱՆԴ
ԱՐՏԱՇԷՍ
ԵՐՈՒԱԶ
ՏՈՒՐ

ՍՄԲԱՏ
ԱՐԳԱՄ
ՄԻՀՐԱՆ
ԶԱՐԵՀ

ԶՕՐԱԿԱՆՔ

Տեսարանն է յերոսանդաշատ:

ԱՐԱՐՈՒԱԾ Ա.

ՏԵՍԻԼ Ա.

ՏՈՒՐ, ՄԻՀՐԱՆ

ՏՐ. Փռութացի գալ այսր առ իս, մի ինչ յամենցէ: (Միհրան գնաց): — Մառախուղ կալեալ է զմիտս արքայի և զաւագանդոյն. ոչ կարեն նշմարել եթէ նենգաւոր է առաքելութիւն որ ըստ չափ ելանէ: ... Իսկ զիսրդ. բաբախէս դու սիրտ իմ աներկիւղ. էր մտեր 'ի ծով թէ երկընչէի 'ի հողմոց. մոռացա՞ր զոր այնչափ վարդապետեցարն յինէն եթէ ուղեկից են միմեանց

¹ Առաջիկայ ողերգութիւնն մեր Բագրատունի քերթողահօր երիտասարդական հասակին գրաւորական նախընծաց արդիւնքներէն մէկն է, զոր պակասաւոր յոյժ դատելով չէ ուզած ապագայից ձգել, այլ պատուեր ու պարէր է. բայց ինչպէս նոյն ժամանակ իրեն յառաջացեալ աշակերտքն ողերգութեանն ընդհանուր պակասաւորութեանցն հետ մեծամեծ գովելի յատկութիւններ, և քան զամենն աւելի մեծ հայկաբանութիւն տեսնելով կցկտուր մասերը քովէքով բերեր ու ամբողջը ձեւացուցեր են դարձեալ նոյնպիսի տեսութեամբ մենք ալ հիմա ոչ գործոյն

բաղդ և յանդգնութիւն: Եւ զի՞նչ. միթէ մատուցէ՞ Տուր զգլուխն վերապազուն՝ պաճարապէս լռութեամբ զանազգին Նրուանդայ ձգել ստմեռէս. միթէ ոչ դարձուցէ զակն հայել յարտասուս և լսել զհեծութիւն մանկանց թորգոմայ, զորոց զբնիկ թագաւորութիւն եկեալ յափշտակեաց վայրենիս այս աննշան, և տակաւին ոչ դադարէ հանել սպանդ անողորմ իւրոյ փառամոլ ախտին զընտիրս աշխարհին: Ա՛հ, տակաւին յաչս իմ խաղան արեանցն վտակք որ զնային այսօր պատեալ 'ի բոսոր զգաշա երուանդեան: Իմ թէ և ծնունդ անծանօթ, վերապազանց գիտեմ զիս որդի, և ոչ անարգ ինչ մասն մեծի աշխարհիս և արքայութեան յաստուածոցն պահեալ 'ի խանձարոց 'ի կոտորածէ եղբարց իմ երկուց. ա՛հ իմ հարազատք, գուցէ և գուք

առհասարակ արուեստի և ողերգութեան կանոնաց գեմ վրիպանք մտածելով, այլ իմաստալից ու վառվառն շարադրութեան գեղեցիկ ոճը գիտելով ուղեցնէք ինզորդ բանասիրաց փափաքը կատարել տպագրութեամբ ալ զայն 'ի լոյս ընծայելու, հեղինակին լուրջայն հաւանութիւնն ալ մեզի հետ ունենալով. վառն զի վերջերս իմացած էր ու գիտէր, առանց մասնաւոր տհաճութիւն երեցնելու, իր 'ի հուր դատած երկասիրութեանը ծածուկ ձեռք պարած ըլլալը:

ընդ որդիս Սանատրիկոյ՝ անորէն բռնաւորին սը-
րով խողխողեցայք. և ձեր այսօր խնդրեսցի վը-
րէժ: Սարսիւր, բռնաւորդ, 'ի բողոք ահարկու
արեան անմեղաց. միթէ ոչ գուցէ որ այսօրիկ
ակն վրէժինդիր յամենահայեաց բուլից աստե-
ղաց: Յեղակարծ իմն վտարանջուծիւն Արգա-
մայ պաղէցոյց 'ի քեզ զէթս երակաց, և յոյս մի
միայն սնտի վառեալ կայ 'ի քեզ հաւատարմու-
թեան Տուրայ. մի խաբիր մի. զոր քեզ 'ի ներ-
քոյ մտերիմ կարծեցեր՝ նա ոչ յագեացի մինչև
այսօր իսկ ընդ հուպ ոչ արբցէ կաթիլ առ կա-
թիլ զարիւն քո և զտան քո համօրէն. իմ հայ-
րենիքն են այն Աստուած, որում օրէն է զոհել
զամենայն: ... Յաւէ ինչ զի եղբայր նորա Ե-
րուսաղ միայն չէ 'ի քաղաքիս, թէպէտ և ոչ ինչ
կարի 'ի բացայ: Տակաւին ոչ գայ Կոռնակ...
առ գործ մի այսքան օգնականի պէտք են ինչ.
բացից սմա զամենայն մեղքենայս խորհրդոցս. սա
միայն մնաց յայնչափ զօրավարաց՝ յոր կարեմ
վտառահանալ. զի զկեանս իւր նա այժմիկ յինչ
ճանաչէ պարգև 'ի վտանգէ մարտին, և լուեալ
իսկ է իմ բազում անգամ 'ի բերանոյ նորա տըր-
տունը զԵրուսաղայ: ... Ահաւասիկ է. պինդ
կալցուք զերասանակ բանին:

ՏԵՍԻԼ Բ.

ԵՐՈՒԱՋ, ՏՈՒՐ

ԵՐՋ. Արդ գտի զքեզ, քաջ. ես ուր խնդրէի և
ուր գտանեմ:

ՏՐ. Ուր խնդրէիր զիս. ոչ Միհրան առաքեաց
զքեզ այսր:

ԵՐՋ. Ոչ. տեսի ես զնա զի մտանէր տաքնապաւ
առ արքայ: Այս քանի ժամք են զի ես ինքնին
զհետ քո չըլէի. եր զի 'ի խոան բազմակոյտ բա-
նակաց զսպասալարան հարցանէի զքէն, և եր
զի 'ի զդեակ բերդին զպահակսն. քանզի յայս-
պիսում տաքնապող ժամու ուր այլ արժան էր
խնդրել զքաջ և զմտերիմ արքայի:

ՏՐ. Խնդամ ընդ անուանող զոր շնորհէք ինչ ա-
մենեքին. երգուեալ յարև Վահագնի, վաղա-
գոյն քան զյստուհեալ արփւոյն՝ որ արդ 'ի հան-
դիստ փութալ գիտաւրիք զիս. տակաւին ոչ ճա-
նաչէք զիս. վաղեմ ծանիցի զինչ խաբիր կայցէ
ընդ Արգամ ապստամբ և ընդ Տուր հաւատա-
րիմ. ոչ արգար իցէ ցասումնս, աղէ ասա. այլ
նախ զայն. առ ինչ ելեալ էիր զիմ կնի. զինչ
բան էր քո առ իս, ասա փոյթ. զի և ես այժմիկ
զքէն առաքեցի զՄիհրան. մեծ ինչ իրք են 'ի լե-
զուի իմում, ոչ բերեմ ժուժկալել:

ԵՐՋ. Այլ մինչև 'ի սրտէ ծանուցեալ իցեմք մի-
մեանց, զխորդ դու ընդ իս և ես...

ՏՐ. Ե՛հ, ոչ անծանօթ ինչ է Կոռնակ 'ի սրտէ
աստի. ո՞րք ոչ գիտէ զքեզ մտերիմ զօրավիգն
արքայի. ոչ 'ի բազկէ աստի. քաջացն Ասորոց և
Պարսից զօրացն ոսկերք 'ի ճակատ մարտի:
Թէպէտ և առուրք ոչ բազում են զի իրեն ան-
ծանօթ որ յայտնեցար քաղաքիս, անուն քո փա-
ռօք ընթանայ ընդ հրապարակս և ընդ գունդ
սպային: Միայն կամէի իմն՝ թէ որ արտաքոյ
այսպէս քաջանունն է՝ նորա. և ներքին մտեր-
մութիւն ընդ իս յայտնագոյն իցէ:

ԵՐՋ. Զայդ իսկ և ես ինքն կամէի մերկանալ քեզ.
այլ նախ տուր ինչ երգումն հաւատարմութեան
լուել զամենայն զոր ինչ լուիցես:

ՏՐ. Երգուեալ 'ի գլուխ իմ և 'ի փառս:

ԵՐՋ. Աւանիկ և յականջս ձեր հասեալ է գիցն
գուժալից պատգամ ելեալ 'ի Բագարանէ...

ՏՐ. Ա՛յն, յորում հարազատ թշնամեացն հեղա-
նի արիւն:

ԵՐՋ. Նոյն ինքն. և արդ զմէնը վճարեալ է 'ի գիցն
անմահից. 'ի մօտոյ արեամբ մերով լուսացուք
զարտօսր երեսաց աշխարհիս. քեզ քաջդ յա-
ւերժացին ամբ. չես դու ընդ պատուհասիւս.
մեր է յանցումն, մեր է դատակնիքս արեան:

ՏՐ. Զինչ կամիցի ասել:

ԵՐՋ. Քաւ ինչ երկնէլ 'ի մահուանէ. այլ զի
մտերմութեան յինչն խնդրեցեր յարացոյց,
միայն աղաչեմ պահել աշխարհիս զյիշատակ
Կոռնակայ, մանաւանդ թէ զիմ. որոյ թէպէտ և
անձն առելի, այլ ոչ նոյնպէս կարծեմ լինիցի և
գործն, եթէ սերմն ինչ առաքինութեան բուսու-
ցանէ 'ի ծոցին երկիրս Հայոց: Թերևս վաղիւ 'ի
մեծի մարտին մեռանիմ ես. ոչ ևս բաւեացես միւս
անգամ ապրեցուցանել զիս. այլ գիտացես, բա-
րեկամ քաջ, ո՞ մեռանիցի. և եթէ գիտէ արիւ-
նաշաղախ կաթի միոյ արտասուաց 'ի սրտէքում
մէ լինիմ արժանի, գիտացես զի ոչ զԿոռնակ
արտասուես, այլ զհարազատն արքայի զԵրուսաղ
արտասուես:

ՏՐ. Բա՛նէ, զինչ ասես. դու ինքն ես Երուսաղ եղ-
բայր արքայի, քրմապետ 'ի Բագարան գիցն մե-
հենից. (Ախաի). երեսք իմ մասնէն զիս:

ԵՐՋ. Նոյն ինքն իսկ եմ. յիրաւի է, ով քաջ, այ-
լագունել երեսացք ընդ կար յանդգնութիւնս
և ընդ վտանգ գործոյ՝ որով զքրմութեանն
պատմուճան ընդ զբահիցս փոխանակեցի. սա-
կայն գութ եղբօրն իմոյ արքայի բռնադատեաց
զիս 'ի սոյն. և սեր առաքինութեան և արգարու-
թեան տաքնապեցոյց զիս, յափշտակեաց 'ի լը-
րումն գիցն պատգամի՝ զորս ես հարցի:

ՏՐ. Ո՛րպէս 'ի քէն ել այն պատգամ ահաւոր.
Էրբ և առ ինչ:

ԵՐՋ. Լուր. յօրէ յորմէ խանձեցաւ կայծակն մար-
տի ընդ Երուսանդ և ընդ Արտաշէս, խիտ առ խիտ
սեղանքն բորբոքէին ծխէին անդ 'ի Բագարան.
և ես 'ի մէջ նոցա հեծուլութեամբ և զողովութեամբ
արկանէի աղերս անմահիցն՝ ցուցանել ինչ զեւս
կատարածին. և ահա 'ի միում առուրք որոտա-
ցոյց զքառակողմն մեհենին և այսպիսի իմն պատ-
գամ արձակեաց վեհն անմահից:

« Երկրածինք, Էր յանդգնիք բանալ ըզկնիք
ճակատագրին.

Ա՛կն ունիք ըզգլուխըս ձեր թափել ներքուստ
ծանօթ բաղդին.

Այն հեղեղք հրափայլ արեանց յերկրէ աստի
ոչ ցամաքին,

Թըշնամի հարազատաց թէ չըպառնին ակունք
սրբախն »:

ՏՐ. Ոչինչ յայտնագոյնս սովորեցաւ միշտ խօսել
Արամիսդ:

ԵՐՋ. Անսա, և յայտնեցի առաքատեալ խորու-
թիւն բանիցն, եթէ ճմարտութեամբ ինչ թարգ-
ման զիս ընկալան իւրեանց գիք: Այն թշնամի

հարազատք ո՛ր այլ ոք իցեն, քան թէ ես և եղբայրն իմ, որ անդատին 'ի բնէ թշնամութեամբ եղեալք ընդ բնիկ թագաւորին մերոյ և ընդ նորա որդիս, և այժմիկ զաննուէր մարտիս աշխարհօրէն բացալք զդուռն. ոչ այլ ոք, ոչ, մեք միայն եմք պարտաւոր ամենայնի այսոցիկ. հապա, մեռցին անձինք մեր փոխանակ ընդ անմեղացն, այլ քաջութեամբ մեռցին: Չայս խորհեալ՝ մերկացայ ահիւ զքրմութիւնն և զպեցայ զայս զինուորութիւն. այլ 'ի ծածուկ յոյս մի հրապուրէր զիս՝ ձեռն և թիկունս տալ մինչև 'ի մահ՝ 'ի պաշտպանութիւն եղբորն իմոյ: Անդէն տուեալ զդէմս իմ բարեկամի իմոյ հաւատարմի 'ի քրմութենէն, ելի տաքնապաւ ընդ առաջ Երուանդայ այն ինչ դարձելոյ յԱռեւտրաց. որ և յորձանս իմն բանակաց քաղաքի քաղաքի զհետ իւր առեալ ձգէր այսր յԵրուանդաշատ. և այսպէս ընդ առաջինն խառնեցայ զօրագլուխս:

ՏՐ. Արուծիւն սրտի մեծ: այլ ոչ ինչ արդեօք Երուանդ եղև իրազգած:

ԵՐԶ. Բնաւ իսկ ամենեւին. այլ անդ 'ի Բագարան ոչ գիտեմ որպէս սարդեալ է չնջիւն յազատաւնի մեհենին. և ահա այն ինչ լինէր մեզ յետ պատերազմիս 'ի քաղաքս մտանել՝ մատուցաւ ինձ նամակ մի, յորում գաղտնիք կան բազումք:

ՏՐ. Զինչ իցեն, աղէ ասա:

ԵՐԶ. Բուռն է ինձ այդ, մի ստիպեր զիս. երգմնի արար զիս նամակդ մի ումեք հանել 'ի վեր. բայց քեզ սիրելոյդ այսչափ միայն. գիտուն է քեզ զի մեր չէր ոք հայր և մայր, այլ այսչափ միայն զի յաւազ տանէ գիտեալ զնոսա. և արդ երկուքեան իսկ գոն, և զհայր մեր 'ի բանակին Արգամայ ասէ:

ՏՐ. Եւ ո՞ այն իցէ:

ԵՐԶ. Լեւեաց նա զանունն. և այլուստ ինչ ծառոթս առնուլ յանհարիցն է:

ՏՐ. Բա՛րէ, ապա ընդ հօր քում 'ի կռիւ մատար գու. և ո՞ գիտէ թէ և սպանեալ իսկ իցէ նա 'ի բազկէ քումմէ:

ԵՐԶ. Ո՞ր գիտէ, եղբւկ զինև. առ իմք, անագորոյն գիւք, պաշարեցէք այսպէս զանձն իմ գողանալ զնա: Իսկ զի՛նչ առնել էր, բարեկամ քաջ. հայրասպանութիւնս անստոյգ, այլ թէ յայտնէի զանձն իմ կամ 'ի պատերազմէն հրաժարելի, մահ անշուշտ ինձ առաջի կայր. իբրև քրմութեան կամ հայրենեաց մատնիչ և դահիճ՝ մեռանել: Այս երկիւղ էր՝ որ զգուշացուցանէր զիս ցուցանել Երուանդայ զԹուղթն թէպէտ և եղբօր. զի առաջին նմա հասանէր զգիցն պահանջել վրէժ. այս էր որ զլեզու իմ 'ի տրտունջ լուծանէր վասն պատերազմիս ընդդէմ՝ արքայի. այս էր որ սակաւիկ մի նահանջէր զիս 'ի ռազմին. ապա թէ ոչ՝ այս բազուկ և սիրտ 'ի մանկութենէ փորձ են 'ի զէն շարժել՝ և զիմագրաւ ոչ նետից և սուսերաց, այլ ամէհի գազանացն ժանեաց և ճիրանաց նահատակել: Եւ թէպէտ յասպարիսի անդ բազում անգամ ընկրկեաց զսուսերս յաւազ իշխանաց անտի, ոչ գիտեմ որպէս անկաւ ոմն 'ի սմանէ այսօր յԱխուրեան ճակատու. որ ակնարկեալ յիս, յողուց ել և բարձաւ 'ի թիկնապահացն մեռեալ եթէ կենդանի ոչ գիտեմ. այլ սիրտ իմ յալեկոծ մրրիկ երերեալ տանջի: Ահ, հայր իմ, եթէ մեռա՞ր ար.

դեօք. եթէ 'ի վերայ այսոցիկ և իբրև հայրաւորսն դատիցիմ:

ՏՐ. Արգ խելամուռ եմ ամենայնի. ներեա ինձ, քաջազունդ, եթէ ձախողակ ինչ կարծեօք ծփէի զքէն յաղաքս զժկամակութեանդ՝ զոր տեսանէի 'ի քեզ:

ԵՐԶ. Ներե՛լ. նա գովութեան մնա այդոցիկ առ յի. նէն. խորագիտութեամբ հաւատարմութիւն ունել առ արքայի, զանգիտել 'ի նենգութենէ, և զսակ հարկի ծառայութեանն հարկանել. և ներումն խնդրել: Բարեկամութիւն թէպէտ և ընդ իս՝ որ գեղեցիկ իմաստիցս մոռացոնս ածէ՝ լուծցի ջրեացի. այժմիկ ահա ներողութեան ես արժանի. ներեմ քեզ՝ սակայն ոչ այնպէս հեշտեաւ: Իմ ահաւասիկ այս է. տեսցուք և զքոյդ. զի՛նչ էր զի խնդրէի զիս:

ՏՐ. Զինչ այլ... 'ի վեր քան զոր ակն ունէի... գտանեմ զքեզ. դու՛ քոյով բանիւ կարճեցեր զիմս: Սակայն լուր. գիտիցնս արդեօք զի դարձաւ Միհրան 'ի հրեշտակութենէն. և որպէս ինքն իսկ պատմէր ինձ՝ գիր բերեալ է 'ի Հոռոմոց. ոչ իշխեաց յայտնել ինձ զամենայն. սակայն ինձ թուի գոյժ է բօթաբեր. արքայ յաւուրս յայսոսիկ է ինչ զի և յիւրոց մտերմացն ծածկէ... ահաւասիկ նա, լուիցուք 'ի նմանէ:

ՏԵՍԻԼ Գ.

ԵՐՈՒԱՆԻ, ՄԻՀՐԱՆ, ԶԱՐԵԶ և առաջինքն:

ԵՐԻ. Անողորմ բաղդ. ո՛հ դազանութեանս. զիս ինքն պատառեմ, քաջքդ. սիրտ իմ մոլեգին ոչ հանգարտէ կալ 'ի կայի իւրում. այսպէս նախատել զինև, ոտնհար լինել գաղտամիտ նենգաւորութեամբ:

ՏՐ. Դիւցազունդ, առ իմք՝ այդ յուզումն կրից 'ի քեզ. մի թագուցաներ 'ի մէնջ 'ի հաւատարիմ ծառայիցդ:

ԵՐԻ. Զիք ոք այլ հաւատարիմ առ իս. ամենեքին նենգեն ինձ:

ԵՐԶ. Ներեա, վեհդ քաջազանց. սրտմոռութիւն յաչս քո հարաւ. չեմք մեք Սմբատ կամ Արգամ, չեմք Հելլէն ուխտագրութ. և ուր Տուր է և Կոռնակ՝ անդ նենգութեան ոչ մնայ տեղի. տես զոյս թշնամանեցեր:

ԵՐԻ. Ահ. ոչ Հելլէնք միայն են ուխտանենդ. այլ և յորմէ ոչ կասկածէի՝ Հոռոմայեցին դրժեաց մեզ. այսպէս խաղ առնել զինև. այ՛ դառն արհամարհանաց:

ՏՐ. Զինչ իցէ, զայն ասա, գիւցազունդ:

ԵՐԻ. Տակաւին ո՛չ գիտէք. աշխարհ ամենայն արդ լցեալ իցէ անարգանքս. ժողովուրդ մի ողջոյն զտէրն ձեր այսպանէ, դարանի զմեօք, և դուք անգիտանայք. ո՛ւր էիք ցայժմ. արք մահու էք ամենեքին:

ԵՐԶ. Հաճեսցի արքայ ցուցանել զիրն, և կամաւոր մեռանիմք. չահ մեծ է կորուսանել զկեանս 'ի շնորհս արքայի:

ԵՐԻ. Ահաւասիկ զայս առաքեաց առ մեզ Հոռով մայեցին. (յողանէ զԼուսն քալ). զօղի մեղմեխանօք. ոչ կարեմք ասէ պարապեցուցանել 'ի զօրաց մերոց քեզ 'ի թիկունս, փոխանակ ոչ կա.

միմբն ասելոյ . և զիս կին մի Երազոն անուանէ . և թէ տեղի տուր օրինաւոր թագաւորին՝ զոր որպէս լուսք՝ հալածեա . ապա թէ ոչ գիտեմք ում օգնիցեմք :

ՏՐ . Եթէ նա այդպէս զմեզ անգոսնեաց՝ մեք առաւել ևս արհամարհեսցուք զնա անփոյթ առնելով : Եւ զի՛նչ . միթէ մի ի մեծագոր թագաւորացն Ասիոյ ի մտիցն արեւու օգնութեան կարօտասցի . միթէ Պարթևք՝ Հռոմոց յաղբիս խոնարհեսցին . քաւ ի քէն , գիւցազունդ , անփառութիւն այդպիսի :

ԵՐԴ . Զայդ յայնժամ էր մեզ պանծալ՝ երբ բովանդակ աշխարհ թագաւորութեանս ընդ իմով ձեռամբ էր . իսկ արդ լարաբաժին եղև յապրտամբաց աստի :

ՄԻՋ . Իսկ արդ մեք սակաւ ինչ իցեմք . մեր արդ իւրաքանչիւր տասնպատիկ են անձինք՝ տասնպատիկ մեռանել ի վերայ գիւցազնիդ և աշխարհի . ոչ լաւ իցէ սակաւն և հաւատարիմ քան զբազում կեղակարծ :

ԵՐԴ . Սակայն ընդ նոսա է վայրագասուն յելուզակն Սմբատ . որ և կախարդասար խորամանկութեամբն զառաժեալ խարդաւանեաց ընդ իւր զարին Արգամ՝ զիմոյ բանակի շինդն կայծական . չկամէի հաւատալ զնա տիրադրուժ դաւաճան . չգիտեմ որպիսի ինչ գութ բարբառի միշտ յիս ի վերայ նորա : Միթէ գիտասցէ նա գիւթել և զամենատես ակն աստուածոց , և կամ խուսել ճողպարել ի մօտալուտ արդարադատ պատուհասէն , զոր տեսանեմ ցայդ ի տեսիլս անրջոց , երկոցունց կողմանց անհնարին աղէտս :

ԵՐՋ . Իսկ ընդէր բնաւ երեքեալ տատանեսցի արիական սիրտ արքայի : Յառաջնումն անդ մարտին հանգէս արարին զիքն քում բարեկամաց՝ ընտրել , քննել և զմտերիմն քեզ կացուցանել առաջի : Արդ յուսմէ իցէ այդ երկիւղ , եթէ ի մէնջ...

ԵՐԴ . Ո՞գիտէ թէ բարձի և գահու ակնկալութիւն յապտամբ յելուզակէ անտի ոչ սասանեսցուցեն զառաքինութիւն սրտից թէ և զանյողգողդ : Եթէ խուռացեալն այն ալեւոր Արգամ՝ զակառեցաւ զհետ ցանկութեան սրտի , միթէ երիտասարդացն ցրտասցի արիւն յերակունս , եռալ զսրտիւ և զանօրէնութեանն լեռնացուցանել ծովս : Ո՞չ տեսանէք , զիարդ թշնամին շուրջ մածեալ է զմեզ , և ի տանց անգամ ճամբար նոցին երևի . ահ , ոչ աւանիկ զբռամբ արարին երէկ զամուրս հարաւակողմանն . և աղուխաբար լսեմ զի ելումուտ ի քաղաքս առնեն . նաև թարթել մի ական ոչ ինչ է նիաղ որսալ յիմոցս :

ՏՐ . Այդչափ երկիւղ , գիւցազունդ , քաջիդ նուաստութիւն և մեզ կարի եպերանք :

ՄԻՋ . Մեր արդէն տրտունջ ի մտի կայր՝ բողբոռնել առ քեզ վասն ուխտիցն զոր եղիք ապրտամբացն , հրեշտակութիւն ընդ միմեանս խօսելոյ , բանազնաց լինելոյ . զի՛նչ , կամք իցեն արքայի իրաւախոհ լինել ընդ Մարին , և յամօթ առնել զսուսերս մեր :

ԵՐԴ . Երկիւղ ոչ վատութեան է ծնունդ : Համարիցիք զիս սիրել զկեանս անարգութեան և առանց թագաւորութեան . մոռացայք քանոյ ըստացեալ է իմ զգահս . արիւն որդւոցն Սանա-

արկոյ , (զայլն դուք ձեզն յիշեցէք) , տակաւին թխատիպ մածեալ երևի զորմովք ապարանիցն . ոչ այնպէս վարկապարզի ինչ գրդուեցուցանեմ էս ի գլխոյ աստի զթագն արքունի : Հրեշտակութեանդ ձեռն ետու ես հաւանութեամբ՝ զի ակն երև լու ի լու ամենայն հրապարակիս լսելի արարից զանյեղի խորհուրդ կամացս , ցուցից ուխտագրուժ տիրանեդ ապտամբաց՝ զսաստ իշխանութեանս , եթէ ընդ ում ի կուկ կացեալ է , և յամօթ արարից . ուսցին նոքա՝ զի թէպէտ և Երուանդայ տկարասցին զէնք , այլ ոչ սիրտ երբէք ոչ խոնարհեսցի նոցա այս սիրտ : Առ այս իսկ եկեալ է իմ այսր , և դուք աստ էք ամենէքեան . այժմ տեսանէք : Հուր անձարակ քնացեալ շիջանի , ընդ անձին ոգորի . այլ ի հոռոտել լուցկեաց՝ թօթափէ շանթիս և բոցածաւալ յեթերս ձգտի հասանել : ... Իսկ ընդէր է նոցա անապանել ցայս վայր . ոչ արդեօք անց զմեզ պայմանեալ ժամն . ոչ ունիմ ժոյժ , փութամ պատահել նոցա :

ԶԱՐ . Ահաւասիկ , գիւցազունդ , Սմբատ և Արգամ ընտրելովք ուսմբք այսր գիմեալ գան :

ԵՐԴ . Ի դէպ հասին . սակայն զայս խուժութիւն երեսաց չկամէի ցուցանել նոցա . (Բաղի) :

ՏԵՍԻԼ Դ .

ՍՄԲԱՏ , ԱՐԴԱՄ և առաջինքն :

ՍՄԲ . Ահաւասիկ մեք , Երուանդ , ըստ պայմանին զոր խնդրեցեր և ժամանակեցեր ընդ մեզ : ԵՐԴ . (Յառէ) Զիմրդ . Էս ժամանակեցի , Էս խնդրեցի զձեզ . Էս նախ խոնարհեցայ ընդ ձեզ . (Բաղի) փոխեա զեզուդ կամ թէ մի ընդ Երուանդ բարբառի . ոչ դուք առաքեցիք առ իս նախ , և ես արքայաբար որպէս արժանն էր ժամ և տեղի սահմանեցի : Տարաժամ կամիք առաքաստել զերկիւղդ :

ԱՐԴ . Եւ այդ քեզ շնորհեալ առ ի մէնջ . յօգուտ աշխարհիս զամենայն ինչ յանձն առնումք :

ՍՄԲ . Եւ որպէս ըստ պայմանին երազեցաք առ քեզ , արագագոյն ևս ելցուք յերեսաց քոց՝ եթէ տակաւին նոյն Երուանդ իցես՝ որպէս երևի :

ԵՐԴ . Երբ տեսեր դու փոփոխեալ զԵրուանդ . զծով ի ցամաք և զցամաք ի ծով կարասցէ որ փոխել , զԵրուանդ յիւրմէն ոչ բնաւ : Բազմեցարուք , մի յոսին կայք . աւասիկ և այսչափ խոնարհիմ ձեզ ծառայիցդ . և այս ձեզ հաւաստիք անփոփոխութեան Երուանդայ :

ՍՄԲ . Եթէ իբրև ծառայից հրաման տաս բազմելոյ , զայդ Սմբատ ոչ առցէ երբէք յանձն :

ԱՐԴ . Այլ և ոչ Արգամ . և այս մեր ոտնակապ պատգամաւորութիւն լիցի քեզ առհաւատչեայ մերոյ առ Արտաշէս փութապէս դարձին :

ԵՐԴ . Քաջ իսկ ի գէպ ձեզ այդ . ապա յոտին կացէք իբրև ծառայք ապաստահարկուք (Սիգոփ և Ագոփ Բաղի) ձերոյ արքայի , որում նենգեցիք . և այժմիկ աստանօր ժպրհեցայք համարձակել առ նա . թէ կամիք խօսեցարուք զոր ունիք , և թէ ոչ՝ Երուանդայ չէ ինչ փոյթ :

ՍՄԲ . Սմբատայ ամենեւին ոչ , եթէ այդպէս ար-

համարձեաց Երուսանդ զօգուտ իւր. օն, ելցուք աստի, քաջք:

Արգ. Անտա ինձ, քաջք:

Տր. Աղէ վայրիկ մի ևս, և լուիցուք զինչ օգուտ մեզ ի պատգամաւորութենէն աստի. մինչև ցայժմ զուր բարբառնիք, վատութեան և փաստութեան հիւսիս զմեզ ձանձրացուցեալ:

ՍԵՐ. Որ միանգամ գահասիրութեան եռանդիւ հարեալ ի շահ անձանց և եթ հայիցին՝ ոչ ի գաւառին, նոցուն բարբառնիք արդեօք թուեսցին: Մինչև մեր յարին հարազատութեան ներկեալ էր զսուսերս՝ առաքեցաք առ ձեզ բանիւք խաղաղութեան և սպառնալեաց, ինչն ել օգտիւ ի բռնակալ գահէն աստի, խնայել յարին ընտանեաց. դուք թքիք մերժեցիք զայս՝ բազմաշնոյս իմն գրեւով, զի տակաւին անփորձք ելից իրացն՝ ի զօրութիւն աշխարհիդ վստահացեալ էր: Իսկ արդ զի ոչ միանգամ և եթ զճաշակ առիք խաբեայ յուսոյդ, մեր առ ձեզ դարձեալ նոյն բաղբաշնիք են. թէ ախորժէք՝ ընկալարուք: ... Սիրտ մարդոյ է ի մեզ, և արին նոյն՝ որ յերակունս մերոց անպարտ քաղաքակցաց և որ ի վերաց նոցա գնան ճապաղիք. չհանդուրժեն աչք յաղթականաց հայել ի թիկունս և տեսանել զիսկամբք ծածկեալ և արեամբ բոսորացեալ զկանաչութիւն լերանց և գաշտաց: Ահ, միթէ մեր յարենէ՞ աստի ոռոգեսցի երկիր, յարենէ աստի մահու անմեղաց կենդանացին տունիք, և սովին արեամբ կարմրացին պտուղք. և ապա մեք, մեք ինչանք աշխարհիս անցեալ բաղմնացուք անդորր սրտիւ ուտել և արենալ խորխորամիտ ի նոսա՝ յարին համազգեսաց. միթէ յարենէ աստի անթաւամ կանաչացին դաբնիք բոլորեալ ի ճակատ յաղթողին. նա աւանիկ առաջին գաբնիք յաղթականք թացեալ յարենէ համազգեսաց ծանրացեալ են ի գլուխս մեր, և ամաչեն կայ: Ահ, Երուսանդ, երգմնեցուցեալ զքեզ յաստուտծս անմահ, ի քոյին արև, այս է որ զմեզ ած շարժեաց խոնարհել ընդ քեզ և յայս պատգամաւորութիւն, որում չէիր իսկ արժանի, ապա թէ ոչ...

ՅԵՐ. Ապա թէ ոչ զինչ, աղէ ասա, լուիցուք և զայդ սպառնալիս, իբրև ցայս վայր ներեցաք ձեզ: Զայդոսիկ մի՞ դուք առ մեզ բարբառիք, մեզ անկ է առ ձեզ: Թորգոմեանց կենդանի է թագաւորն, և ի գահու իւրում փառաւորեալ. ձեր սեփհական տեղի և տուն բնակութեան լեւրինք և անձաւք. արիք ելէք ի սահմանաց թագաւորութեանս, ցրուեցէք զգօրն յիւրաքանչիւր տեղիս, զի և ես գիտամ ի նոսա. և առեալ ընդ ձեզ զորդի հովուի Մարի՝ զոր կամիքք թագաւորեցուցանել, մանաւանդ թէ թագաւորել, երթայք սուզարուք ի տաղաւարս ձեր և ի խրչտիս. մի տարապարտ մանկազրաւ եղիցի հայր նորա: Ո՛չ ապաքէն նախ դուք ելէք գումարեցայք յիմ վերայ ի պատերազմ, և ես ի հարկէն բռնադատեալ ըստ որում իրաւանց ազգաց թելագրեր սահման ձեռն ի զէն ձգեցի պաշտպանել գահուն արքունի յերեսաց ապստամբացդ: Զայդ մի ասին ունիք ցորչափ Երուսանդ զօգս զայս չնչեց: Ահ, մեռալց նախ բիւր մահունս, ապա թէ Մար ոք վայրագ արեխապատ գարշապարօք յանդգնեցի կոխել աղտեղէլ ըզ-

գահ Հայկազանց:

Արգ. Ոյր արդ բարբառնիք իցեն բանք. տակաւին ի նոյն յամառութեան պնդեալ էք՝ հովու մի մար ասել զԱրտաշէս: Սակայն գիտեմ զի լեզուի սիրտ ոչ վկայէ. գիտեմ զի նա անգուշ գաւառապետ առ ձեզ, այն թէ Մարդ այդ վայրենի զխորդ ընդ որդիս Իսրայէլ պատուեցաւ ամս ութ և տասն. զխորդ Պարսիկք և մեծ կէս աշխարհիս ընդ նովաւ զինուորեցան. առ իմէ Արգամ արդարասէր ի նորա կողմն հատաւ. միթէ խաբեցաւ և Սմբատ՝ երկրորդս Արամեանց Ոգիսկս:

ՅԵՐ. Մի ընդ վայր զբարանէք. բազումք են ի վէպս յերուզակք՝ որ զորդիս իւրեանց կամ զօտարին ջանացան ամբառնալ ի գահ արքունի, զի և ինքեանք ընդ նոսին պաշտեսցին. սա՛ զի չունէր զանձն յառաջ արիանել իբրև արքայորդի իմոյ նախորդիս՝ ընդ խաբս գտեալ զՄար ոմն սղայ կամ թէ զքոյ յիւրոցն, բաջաղի, զի փառաւորագունի հասցէ բարձի և պատուոյ. փառամոլութիւն է ամենայն:

ՍԵՐ. Մեռաւ եթէ մեծութեան էր ցանկացեալ, ինքնին իսկ այժմիկ թագաւորեալ էր. որ զմանուկ մի ցայս վայր անծանօթ՝ կարաց թագաւորեցուցանել, ինքն գիւրագոյն ևս. ահաւասիկ լուար, և մեք լուար. փոխեաց ի խորհրդոց այսի. կամ թէ...

ՅԵՐ. Հրամանս որոտալ եկիք դուք այսր առաջի իմ, եթէ պատգամաբերք. առ դեսպանս գիտեմ զի և ինձ չէր արգեօք արժանս այսպէս խօսել, այլ առ ապստամբս զինչ իցէ: Մեր թագաւորեաց Արտաշէս, ուր իցէ, տեսցուք և մեք զայդ թագաւոր: Սկիզբն բանից ձերոց օգուտ խոստանայր, և արդ զքսանամեայ խօսմն յեղ յեղէք դարձեալ. այդչափ անմիտ էք՝ կամ թէ զմեզ անմիտս եղիք՝ որպէս զի զամս քսան չկարել մեզ խորհել զուղիղն և ընտրել ի մեջ այդոցիկ: Հապա, պատերազմ, պատերազմ. ցորչափ ձեռն կայ մեր և բազուկ, գիտեմք և սրտիւ մարտնչել. ժամ լիցի և վայրիկ մի դարձեալ զինուկ բոսելոյ:

ՍԵՐ. Սակայն զէնք այսպէս ոչ երկայնամտեսցեն. հապա, պատերազմ. (լարժի գնալ):

Արգ. Ահ, անասցէք. և երթիցուք դարձեալ կոտորել զանմեղ մարդիկ և արքենալ յարենէն նոցա. հապա, եկ, քաջք, յանձն առցուք մեք խոնարհել սակաւ մի. աղէ դու, Երուսանդ, վայրիկ մի անձին զգա. տես զմիտս և զաւեր աշխարհիս, տես զքո վստանդ. յիշեալ զի ոչ թագաւորութիւն քեզ, այլ գու շնորհեցար թագաւորութեան. գիտես, զի հայրաբար սեր և գութ բարբառի առ քեզ յիմ բերան. սակայն չկարեմ մատնիլ և գահի՞ լինել իմոյ բնիկ թագաւորի. ահաւասիկ ի գիմաց նորա խոստանամք քեզ և զմասն մի աշխարհիս՝ տիրել խաղաղութեամբ ընդ ձեռամբ նորա...

ՅԵՐ. Երուսանդ ընդ ձեռամբ այլոյ (յառնէ Դաւիթ). չարանենդ նենգաւորք, թէ և զերկին և զերկիր շնորհեցէ ինձ՝ ոչ առից ի ձեռաց ատելեացդ. ունիմ ես, և գիտեմ պահպանել զիմս. ի բաց կացէք յաչաց իմոյ. յուսացայք ի վատութիւն հրապուրել զԵրուսանդ. և ոչ քայլ մի ոտին թողում ձեզ յաշխարհէն աստի, բայց

որչափ թէ գերեզմանի միջ. Հայոց չեք այլ բնիկ
թագաւոր, ահաւասիկ ես:

ՍԻՐ. Սակայն յուսմէ՞ առեր զթագոյ զայդ. ո՞վ
զքեզ 'ի գահ այդ բազմեցոյց:

ԵՐԴ. Դուք ինքնին, նախարարք աշխարհիս քան
զքեզ լաւագոյնք: Նա աւանիկ ոչ ոք 'ի մարդ-
կանէ. թագաւորք յԱստուածոց կարգին և յԱս-
տուածոց ընկենուն. նոքին են մեր հովանի: Ասիա
շուրջ զին և Հոռոմոց կայսերք վեց՝ զիս ծանեան
ամս քսան: Դիտեմ և ես, և 'ի հեռուստ տեսա-
նէի զառաքատեալ զմիմեալ ռիսութիւն սրադ-
ատեցեր զիս՝ զի ոչ 'ի ձեռանէ քուսմէ իբրև 'ի
թագադիր ասպետէ ընկալայ ես զթագս. սակայն
ո՞ կացոյց զքեզ յիշխանութիւնդ:

ՍԻՐ. Հալք համօրէն:

ԵՐԴ. Եւ զԵրուանդ նոքին եզին թագաւոր:

ՍԻՐ. Որ եդ՝ արդ կամի հանել. իսկ զիս պահէ
յիշխանութեանս:

ԵՐԴ. Նովին իսկ զի առանց քո պսակեաց զիս,
ընկէջ արհամարհեաց զքեզ: Իսկ ո՞ այն՝ որ ըն-
կենուցու զիս 'ի գահէ աստի, և ոչ նախ ինքն
ընդ ինև ճմլեցի. ես ոչ զոք տեսնեմ, բայց 'ի
ձէնջ յապստամբացդ, և որ ընդ ձեօք են դիւ-
թեալ խաժամուծ:

ԱՐԳ. Ա՛հ, ոչ մեք միայն, ոչ. աղէ միանգամ Ե-
րուանդ և շուրջ զքեւ հայեաց, չեք ոք հարա-
զատ որդի Թորգոմայ՝ որ ոչ ցանկացի թօթա-
փել զլուծ բռնաւորաց. թէպէտ եղբայր հան-
դիպեցի լինել, թէպէտ որդի. երկիր և 'ի քոյոց
այտի յորս յուսացար:

ԵՐԴ. Բռնաւոր է Երուանդ. եթէ այդպիսի ինչ
ոք էի՝ երկնէի արդեօք, և ձեր այժմիկ չէր շունչ
'ի հագագի յօդել աւաղի իմ բարբառ. սպառ-
նալիք ձեր զգուշութիւն ածեն զին և, երկիր և
ոչ մի: Թէպէտ և երկիր ամենայն ծննդովք, և
աստեղք 'ի բարձանց յիմ վերայ ճակատեցին,
Երուանդ ոչ ինչ զանգիտէ. արքայից գիւք են դա-
տաւորք: Կարկեցայք, և 'ի տանէ իմմէ 'ի բաց
զնացէք:

ՍԻՐ. Այլ յաստեղս անդ և նախնին մեր ճակա-
տագրեալ է Հայկ. գիտացէ նա զիւրոյ աշխար-
հին խնդրել զվրէժ. և որպէս երբեմն յառաջին
բռնաւորէն՝ և արդ նոյնպէս թեթեւացուցանել
զերկիր. հապա, երթիցուք:

ԱՐԳ. Ա՛հ, ակն իմ քամէ արտասուս ընդ եղկու-
թիւն և ընդ տառապանս աշխարհիս. (էլանէ):

ՏԵՍԻԼ Ե.

ԵՐՈՒԱՆԴ, ԵՐՈՒԱՋ, ՏՈՒՐ, ՄԻՀՐԱՆ, ԶԱՐԵՀ:

ԵՐԴ. Բռնաւոր եմ ես... 'ի վերայ ամենայն Ե-
րախտեաց և բարեաւոր մարդասէր կամաց բռնա-
ւոր է Երուանդ... Երկեայց և յիմոց աստի՝
յորս յուսացայ... ոչ, ոչ կարեմ հաւատալ...
սակայն մի՞ եթէ... ո՞ գիտէ:

ՏՐ. Դիւցազունդ, անվեհեր արուածեանդ, որում
և արդ իսկ ականաւոր եղեալք՝ ոչ 'ի գէպ այդ
կասկած տարակուսի. միթէ այդպէս հաւատալ
արժան իցէ նենգախօս բանից թշնամոյ:

ՄԻՀ. Այս իսկ էր զոր ասաց երբեմն արքայ, եթէ
հնարին նոքա հրապուրել զմեզ. և զինչ այլ էին

բանք Արգամայ, քան թէ խորամանկ արուեստ-
գիտութիւն 'ի պղտորել զսիրտս միամտեալս առ-
քեզ:

ԵՐԴ. Ոչ ամենեքին նոյնպէս ծանօթ են ինձ:
Հիմ լուեալ կաս գու, Կոռնակ, չբանաս բերան:
ԵՐԶ. Եւ միթէ ցայս ժամ չիք իմ բնաւ խօսեալ-
որոց շրթունք երագունք են 'ի խօսել՝ ձեռք 'ի
գործ դանդաղեցին. զսրտի և զբազկի բարբառ
խնդրեցէ յինէն արքայ:

ԵՐԴ. Քաջ է. զայդ ոչ 'ի քէն միայն, այլ և յա-
մենեցունց 'ի ձէնջ խնդրեցից. ահաւասիկ աս-
տուածատուր սուսեր արքունի. հապա, յառաջ
մատիք, զօրավարք քաջք և իմ աւագ նախա-
րարք, հիմունք դահուս Պարթեւաց. արքայն
ձեր 'ի ձեզ է ապաստան. աշխարհս առ ձեզ կող-
կողի փրկել յապստամբ մոլեղոց անտի. վեհա-
զուն ոգիք ձերոց նախահարց՝ զձեզ աղերսեն
յերկնից կամարաց, պահել անարտա զցահս
նոցա 'ի սպանալեաց աստի նորուն անար-
գուաց: Աղէ տացէ ինձ աստանօր իւրաքան-
չիւր երգումն ուխտի անխղի կապոյ միաբանու-
թեան 'ի վերջին պատերազմիս՝ որ զերկաբան
չիւր կողմանց ընդ հուպ որոշեցէ վիճակ: Գործ
մի մեծ կատարեցուք այսօր. առեալ միւս
անգամ 'ի ներքս զամենայն աւագանին զանօրէն
ապստամբացդ՝ ըմբռնեցուք զնոսա 'ի ծուղակս
մեր. սատակմամբ կարծեսցուք 'ի լուսոյ աստի՝
որում չեն արժանի: Մի ինչ զանգիտեցէ խղ-
ճիւ. նոքին նախ ուսուցին մեզ զայդ. զնենգու-
թիւն վանել նենգութեամբ արդար և հաւասար
զէնք են. արքայն ձեր է որ հրաւիրէ զձեզ. ստուեր
դահուս արքունի մեծ է յոյժ՝ ծածկել զամենայն
լուտանս, և ճաճանջ թագի և ծիրանեաց՝ փա-
րատել զամենայն խաւար. հապա առցին սու-
սերք...

ՏՐ. ՄԻՀ. ԶԱՐ. (ՄԵՐԻՄԵՆԻՆ ԶԱՐԻՆ) Աւասիկ
մեք:

ՏՐ. (ՄԵՐԻՄԵՆԻՆ) Զանալ արժան է:

ԵՐԴ. ... և որ անկցի ոք յուխտէ աստի, այս
սուսերք նախ 'ի կողս նորա...

ԵՐԶ. Ա՛հ, անսա, դիւցազունդ. սիրտ իմ անկաւ-
ձեռն իմ ոչ ձգի յառաջ. ո՞վ խոստումն:

ԵՐԴ. Իսկ զիմարդ:

ՏՐ. Բաբէ:

ՄԻՀ. Հրաժարէ Կոռնակ:

ԵՐԴ. Կոռնակ նենգէ ինձ:

ԵՐԶ. Ներեա ինձ, դիւցազունդ, խնայեա 'ի տագ-
նապ սրտիս. գու ինքնին գիտես զսերտ մտեր-
մութիւնս իմ և զնախանձ սրտիս և զվատաւկ
կամակարութեամբ 'ի վրէժ քինու փառաց քոց
յարենէ թշնամեացդ: Սիրտ իմ և կեանք և ա-
րիւն քո է ամենայն, խնդրեա զոր կամիս, սակայն
զայդ երգումն անցո յինէն, մանաւանդ թէ և 'ի
քէն ևս. սիրտ Երուանդայ միթէ նուաստացի
յայդ վատութիւն՝ խառնել նենգութիւն ընդ ա-
րուածութիւն քաջութեան: Ոչ որ ինչ էրն Կոռնակ
երբեմն, նոյն և այժմս է. բաց 'ի մտերիմ սիրոյն
և յաննեղ հաւատարմութենէն առ տերդ իմ
բաբայ՝ որ ինչ արտաքոյ մնայ այսոցիկ՝ այլ ինչ
է բովանդակ:

ԵՐԴ. Ա՛հ, զինչ. սիրտ իմ... ոչ կարեմ ցոս-
նու... սրտմտութիւն հեղձուցանէ զիս: Այս-
պէս գու, Կոռնակ, հատուցանես տրիտուր.

այր մի նորամուտ եկիր յարեցար 'ի մեզ. մերով ընտանի արդարութեամբս պատկեցաք զքո արութիւն, և 'ի դաս աւագանւոյն ընդ մտերիմն մեր կարգեցաք. և այժմիկ... աս', և իմ կախարդեալ էին աչք հայել 'ի գնացս քո. այժմիկ անձին զգամ, առ ինչ էր զոր ստէպն տեսանէի երեսացդ հատանել, մարմնոյդ երերել. զոր և ծածկել կամելով խուսէիր յինէն. անօրէնութիւն ոչ հանդարտէր կալ առաջի աչաց Երուանդայ. և եթէ երբէք ըմբռնէիր՝ զաչս 'ի գետին բեւեռեալ անմուռնչ յոգւոց հանէիր. աղէ ոչ սիրտ քո վկայէ այսոցիկ:

Երգ. Հապա գիւցազունդ, զարիւն իմ խնդրես, առասիկ է սիրտ իմ անպատասպար. հար, մի խընայեր. հար 'ի մարմին և թող ինձ ողջ զհոգի, և մի կասկածանօք գիշատեր չարաչար:

Երգ. Դու ինքնին ընտրես քեզ զարժանն:

Երգ. Ընտրեցի:

Երգ. Զինչ:

Երգ. Մեռանել:

Երգ. Եւ արժանի իսկ ես, նենգող դաւաճան (հանէ զուրն). սակայն զի գործեմ. ով գիբ, օգնեցէք. է՛հ... (կտի հարկանել):

Միջ. Խնայեա գիւցազունդ, մի...

Երգ. Աղէ ընդէր դանդաղես. ով այն որ արգելուցու:

Երգ. Գթութիւնս, այ անագորոյն. ով գիբ, զինչ իցէ որ զինն տագնապէ: Մի եթէ զառաքինութիւն կորուսանիցեմ ընդ վայր. մի եթէ արդարութիւն խօսեցաւ 'ի նմա, սոսկացաւ 'ի նենգութենէ: Բռնաւոր բաղդ. զհարդ և ես ոչ կարեմ սիրել այսպէս զառաքինութիւն. հարկ է վայրիկ մի մոռանալ զնա. (Ելանէ ընդ Տաբայ և Զարեհի):

ՏԵՍԻԼ 2.

ՄԻՋԻՐԱՆ, ԵՐՈՒՍՋ:

Միջ. Աղէ սիրեցեալդ իմ Կոռնակ, մի թագուցաներ յինէն, զինչ իցէ...

Երգ. Ասացի զամենայն. առ այժմ մի ինչ այլ բանից սպասեր. եթէ սիրես զիս՝ թոյլ տուր ինձ վայր մի խորհել առանձինն:

Միջ. Ա՛հ, սիրելիդ իմ, խորհեա քաջ զօգուտ քո. դառն է ինձ կեանքս, եթէ այդպէս դու կորուսանիցես զքոյդ. (Ելանէ):

ՏԵՍԻԼ Է.

ԵՐՈՒՍՋ

Եթէ յայտնեմ, անշուշտ յայնժամ կորուսից: Զինչ լինիցի յորժամ լսիցեն Հայք ամենայն եթէ Երուաղ մատնիչ եղև քրմութեանն, առ ոտն եհար զգիս. աս', մահ է աներկբայ. մեռայց, այլ գոնէ մի իբրև գիցն անարգու... Այլ մի՞թէ չկարեմ ասել և եթ, թէ հայրն իմ է յաւագանին անդ թշնամեաց, աս' ոչ. քննութեանն ոչ ունիմ տանել. իսկ արդ զի գործեցից... ոչ կարեմ հարցանել ինչ զՍմբատ... 'ի քաղաքի

աստ... մեռայց կամ ստուգեցից հաւաստի՝ արդարեւ հայր մեր անդ 'ի բանակին իցէ, և ո՞. մանաւանդ որ տագնապէ զիս՝ ո՞ արգեօք իցէ նախարարն այն զոր սպանի ես յանձանութս 'ի խառն մարտի. կենդանի իցէ, հայր մեր եթէ այլ ոք. հապա, փութացայց: Այլ նախ տեսից՝ մի գուցէ խաբիցիմ, միւսանգամ ընթերցայց զթուղթս. (Բանայ). Մաժան ոմն ծնաւ զմեզ յերագոնայ... 'ի բանակի՛ անդ է ընդ Արգամայ... հրաման ետ սատակել զմեզ... է՛ մեր և եղբայր մի այլ երրորդ... Ներսէս ոմն առ տարաւ զնա: Զինչ այս աղօտ նսեմութիւն. ով գիբ, որ շնչեցիք 'ի մարդ զսէր բնածին, զձեզ աղերսեմ, 'ի ձեզ անկանիմ, եթէ գուցէ ոք ապաւեն անմեղութեան:

Վերջ Ա. Արարուածոյն:

Բարոյակիւս և քաղաքակիւս տնտեսութիւն:

(Տես երես 7)

Ե. ԽՕՍԱԿՑՈՒԹԻՒՆ

Աղքատ մարդու մը աւուրչէքը, կամ անհատ մը որ հարիւր հազարի աշխատութեան շահ կ'ընէ. — Բաժաւնումն աշխատութեան:

Գաղղիոյ ամեն կողմէն եկած նոր լուրերը հացի նուազութեան պատճառած վախը կը պատմէին. ամենուրեք ցորենին գինը երազապէս կը բարձրանար, և արդէն այն սղութեան հասեր էր՝ որ ապրիլը դժուարին էր նոյն իսկ այն գործաւորաց համար, որոնք զբաղեալ ըլլալով շարունակաբար մի և նոյն ոռոգիկը կ'ընդունէին: Բայց արդէն իրաց բռնութիւնը քանի մը ճարտար արուեստից մէջ նուազեցուցեր էր այս ոռոգիկները: Շատ գործանոցներ 'ի կալս թողեր էին իրենց աշխատութիւնը, և օր ըստ օրէ նորանոր գործատանց փակուիլը կը լսուէր:

Դեռևս բան մը չէր հանդիպած 'ի Միրըպոյ և ոչ 'ի շրջակայս, ուր հունձք քիչ մը նուազ ձախորդ եղեր էր քան ինչ որ ուրիշ նահանգաց մէջ: Դարբնոցք ինչուան այն ատեն իրենց գործունէութիւնը յառաջ կը վարէին և երկաթի ճանապարհաց պատճառած զար-